

## GJALDSKRÁ

### fyrir kattahald í Dalvíkurbyggð.

#### 1. gr.

Við skráningu kattar skal greiða skráningargjald kr. 2.850. Fyrstu 6 mánuði frá staðfestingu gjaldskrár þessarar greiðist ekkert skráningargjald.

#### 2. gr.

Árlega skal greiða eftirlitsgjald vegna kattar kr. 5.696. Gjaldið á að standa undir kostnaði vegna ormahreinsunar en ef framvísað er staðfestingu á að ormahreinsun hafi verið framkvæmd lækkar gjaldið um 50%.

#### 3. gr.

Af köttum sem handsamaðir eru og fluttir í gæludýrageymslu Dalvíkurbyggðar samkvæmt 12. gr. samþykktar um kattahald í Dalvíkurbyggð nr. 17/2013 skal greiða handsömunar-, fóður- og vistunargjald samkvæmt gjaldskrá þessari. Ef köttur er ekki örmerktur samkvæmt 8. gr. sömu samþykktar ber einnig að greiða þann kostnað gegn beiðni til dýralækna sem framkvæma slíkt.

#### 4. gr.

Við afhendingu handsamaðs kattar ber að innheimta kr. 5.696 vegna handsömunar og kr. 900 fyrir fóður og vistun fyrir hvern dag sem köttur er vistaður í kattageymslu. Gjald fyrir örmerkingu kattar fer eftir gjaldskrá viðkomandi dýralæknis hverju sinni.

#### 5. gr.

Öll gjöld samkvæmt gjaldskránni miðast við neysluvísitölu, grunnur 1988, september 2016 (438,5 stig) sem uppreiknast í september ár hvert miðað við gildandi neysluvísitölu.

#### 6. gr.

Gjaldskrá þessi sem samin er og samþykkt af sveitarstjórn Dalvíkurbyggðar, með heimild í 5. mgr. 25. gr. laga nr. 7/1998 um hollustuhætti og mengunarvarnir, með síðari breytingum, öðlast gildi við birtingu. Jafnframt fellur brott gjaldskrá sama efnis nr. 1074/2015.

Samþykkt í landbúnaðarráði Dalvíkurbyggðar 4. september 2018.

Samþykkt í sveitarstjórn Dalvíkurbyggðar 18. desember 2018.

*Dalvíkurbyggð, 5. febrúar 2019.*

**Katrín Sigurjónsdóttir** sveitarstjóri.